



Pranuar / Dorezuar Prilijenci/Prodato Received/Delivery	31-01-2022	2	viti god year
Organ /Njësia Organ /Jednica Org /Unit	Nr Prot Hr Prot Prot No	Shtujca Prilog Appendix	Sasia Kolicina Quantity
SKPM/SH/CIC	420/2022		114



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.17/2022

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave në përbërje nga: Jeton Koca-kryetar, Ardita Haxhnikaj-Demi dhe Arben Mehmeti-anëtarë, me Zyle Millaku Gojnovci, Zyrtare e Lartë për Bashkëpunim Profesional, në cilësinë e procesmbajtësit, sipas Aktgjykimit A.nr.1426/20 të Gjykatës Themelore në Prishtinë/Departamenti për Çështje Administrative, ka shqyrtuar ankesën me numër A.nr.163/2020 të datës 19.06.2020, të parashtruar nga ankuesja kundër organit të punësimit/Policia e Kosovës, në çështjen juridike “*kërkesë nga marrëdhënia e punës*”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 31.01.2022, mori këtë:

V E N D I M

I. Refuzohet si e pabazuar ankesa A.nr.163/2020 e datës 19.06.2020, e parashtruar nga ankuesi

II. Mbetet në fuqi Vendimi me numër protokolli 03/02-132/20 i datës 06.04.2020 i Komisionit për Ankesa në Policinë e Kosovës.

A r s y e t i m

Ankuesi i punësuar në Policinë e Kosovës, me datë 19.06.2020, ka parashtruar ankesë me numër protokolli 1199/2020, të regjistruar me numër A.nr.163/2020 në Këshillin e Pavarur Mbikëqyrës për Shërbimin Civil të Kosovës, kundër Vendimit me numër protokolli me numër 69-KA-2020 të datës 01.04.2020 të Komisionit për Ankesa në Policinë e Kosovës, i pranuar nga ankuesi me datë 18.06.2020.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjen e Ankesave, më datë

25.06.2020 ka dorëzuar kërkesën për përgjigje në ankesën e ankueses në Policinë e Kosovës. Këshilli me datë 15.07.2020 ka pranuar përgjigjen në ankesë se bashku me shkresat e lëndës.

Në mungesë të kuorumit për vendosje në Këshillin e Pavarur Mbikëqyrës për Shërbimin Civil të Kosovës, ankuesi të njëjtën kohë ka hapur edhe konflikt administrativ pranë Gjykatës Themelore në Prishtinë/Departamenti për Çështje Administrative. Gjykata Themelore në Prishtinë/Departamenti për Çështje Administrative, përmes Aktgjykimit A.nr.1426/20 ka detyruar Këshillin e Pavarur Mbikëqyrës për Shërbimin Civil të Kosovës, që të shqyrtoje dhe të vendos për ankesën e datës 19.06.2020 të parashtruar nga ankuesi

Kolegji për Shqyrtimin e Ankesave ka administruar këto prova: Aktgjykimin e datës 11.01.2022 me numër A.nr.1426/20 të Gjykatës Themelore në Prishtinë-Departamenti për Çështje Administrative, i pranuar në Këshill me datë 13.01.2022 me nr.protokolli 97/2022, i regjistruar me numër A.nr.17/2022; Ankesën A.nr.163/2020 me numër protokoll 1199/2020 të datës 19.06.2020 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Vendimin me Nr.03/02-132/20 të datës 06/04/2020 të Komisionit për Ankesa të Policisë së Kosovës; Ankesën e ankuesit e datës 06.03.2020 dhe 23.12.2019 e parashtruar në Komision të Ankesave; E-mailin e datës 21.02.2020; Vendimi me Nr.03/02-132/20-3 i datës 01.04.2020 të Komisionit për Ankesa të Policisë së Kosovës; Vendim për sistemim për kohë të pacaktuar i datës 03.12.2019; Konkurs i Policisë së Kosovës; E-mailin e datës 13.02.2020, 05.12.2018; Kontratë për punës e datës 03.04.2017; Kartela e nëpunësit civil; Përgjigje në ankesë e datës 15.07.2020.

Kolegji për Shqyrtimin dhe Vendosjen e Ankesave pas shqyrtimit të shkresave të lëndës të dorëzuara nga palët në procedurë ka konstatuar se ankesa e ankuesit *është e pa bazuar, sepse:*

Bazuar në shkresat e lëndës Kolegji ka gjetur se ankuesi sipas Kontratës së Punës me numër 07/1-01R/017/2017 të datës 20.03.2017, ka qenë i emëruar në pozitën e punës "Përkthyes" në Drejtorinë e Shërbimeve të Brendshme, me pagë fikse prej 407.55 euro, ndërsa me Vendimin me Nr.reference 07/1-01SAP-P/10549 të datës 03.12.2019, i njëjti është sistemuar për kohë të pacaktuar në pozitën e punës Përkthyes - shqip - serbisht dhe anasjelltas në kuadër të Sektorit të Përkthimeve pranë Drejtorisë së Personelit, me pagë në vlerë prej 423.85 euro dhe shtesë në pagë prej 25.00 euro.

I pakënaqur me këtë vendim ankuesi me datë 23.12.2019 ka parashtruar ankesë në Komisionin e Ankesave të Policisë së Kosovës, më kërkesën që të përmirësohet Vendimi për sistemim të përkohshëm i datës 13.02.2019 ose i njëjti të rishqyrtohet ashtu që ankueses t'i aprovohet koeficienti i pagës në nivelin e Zyrtarit të lartë të Përkthimeve dhe t'i kompensohet diferenca e pagës për tri vite në mënyrë retroaktive.

Komisioni i Ankesave i Policisë së Kosovës, me Vendimin me numër protokoll 03/02-35 të datës 28.01.2020 ka aprovuar pjesërisht ankesën e ankueses dhe lëndën e ka kthyer në rishqyrtim në Drejtorinë e Personelit të Policisë së Kosovës.

Drejtoria e Personelit me datë 21.02.2020, ka njoftuar ankuesin se në zbatim të Vendimit të Komisionit të Ankesave ka parashtruar kërkesë në Ministrinë e Administratës Publike që të

aprovuj koeficientin e pagës të njëjtë me pozitë të njëjtë në institucionet tjera të shërbimit civilë, duke shtuar se derisa sa nuk ka aprovim nga kjo Ministri përgjegjëse, Policia e Kosovës nuk mund të vendos lidhur me ndryshimin e koeficientit.

Ankuesi serish me datë 06.03.2020, parashtron ankesë në Komisionin e Ankesave të Policisë së Kosovës, i cili me Vendimin me numër protokollit 03/02-132/20 të datës 06.04.2020 ka refuzuar ankesën e ankuesit si të pabazuar.

Ankuesi, brenda afatit ligjor ushtron ankesë në Këshillin e Pavarur Mbikëqyrës për Shërbimin Civil të Kosovës, me pretendimet ankimore se vendimi i ankimuar është i padrejtë dhe në kundërshtim me vendimet e me hershme të këtij Komisioni i cili për çështje të njëjtë ka vendosur ndryshe duke ju referuar Vendimit 03/02-35 të datës 28.01.2020, kërkon që Këshilli ta aprovuj ankesën si të bazuar.

Kolegji për Shqyrtimin e Ankesave, lidhur me pretendimet ankimore të ankueses ju referuar dispozitave të Ligji Nr. 03/L-147 për Pagat e Nëpunësive Civil, përkatësisht nenin 3 paragrafi 1 ku është përcaktuar se: *1. E drejta e nëpunësve civilë për pagë të drejtë dhe të rregullt është e garantuar në bazë të kushteve të përcaktuara me këtë ligj dhe me Ligjin e Shërbimit Civil*, ndërsa neni 9 paragrafi 1 përcakton se: *Nëpunësit civilë kanë të drejtë të marrin pagën bazë për numrin e orëve të përcaktuara me aktin e kantatës së punës*, dhe rrjedhimisht Kolegji konstatoi se e drejta në pagë është e drejtë themelore nga marrëdhënia e punës dhe nëpunësi civil gëzon të drejtën e realizimit të pagës të përcaktuar në aktin e themelimit të marrëdhënies së punës. Andaj, mbi këtë bazë ligjore si dhe duk marr parasysh se ankuesi sipas Vendimit me Nr.reference 07/1-01SAP-P/10549 të datës 03.12.2019 është sistemuar në pozitë të njëjtë ashtu siç ka qenë e përcaktuar me Kontratën e Punës me numër 07/1-01R/017/2017 të datës 20.03.2017, Kolegji vlerëson se pretendimi ankimor i ankueses për ndryshimin e vendimit lidhur me përmirësimin e koeficientit të pagës është i pa bazuar. Rrjedhimisht, në shkresa të lëndës Kolegji nuk ka gjetur ndonjë kontratë apo akt tjetër administrativ të organit të punësimit përmes të cilës ankuesit i është njohur pozita e Zyrtarit të lartë të Përkthimeve, apo koeficienti i pagës tetë (8) siç pretendon i njëjti, kështu pretendimi ankimor për anulimin e Vendimit me Nr.reference 07/1-01SAP-P/10549 të datës 03.12.2019 dhe rrjedhimisht Vendimit me numër protokollit 03/02-132/20 të datës 06.04.2020 të Komisionit për Ankesa në Policinë e Kosovës, si dhe kompensimi i diferencës së pagës në mënyrë retroaktive është i pa bazuar.

Kolegji po ashtu gjatë shqyrtimit të shkresave të lëndës, ka gjetur se Organi i punësimit gjegjësisht Policia e Kosovës, duke ju referua dispozitave të nenit 7 të Ligjit Nr.03/L-147 për Pagat e Nëpunësive Civil, ka bërë kërkesë pranë ministrisë përgjegjëse për administratë publike, lidhur me ngritje e koeficientit të pagës për disa pozita të punës duke përfshi edhe pozitës e ankuesit, por që një kërkesë e tillë nuk është shqyrtuar nga kjo e fundit.

Andaj, bazuar si me lartë Kolegji konstaton se Komisioni për Ankesa i Policisë së Kosovës, me rastin e nxjerrjes së Vendimit me numër protokollit 03/02-132/20 të datës 06.04.2020 ka vërtetuar drejt gjendjen faktike dhe ka zbatuar drejt ligjin material duke vepruar në pajtim me dispozitat e Ligjit Nr.03/L-149 për Shërbimin Civil të Republikës së Kosovës dhe Ligjin Nr.03/L-147 për Pagat e Nëpunësive Civil.

Kështu që pas analizimit dhe vlerësimit të të gjitha shkresave të lëndës si dhe duke u bazuar në nenin 6 paragrafi 1 nën paragrafi 1.1 dhe nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbiqyrës për Shërbimin Civil të Kosovës, Kolegji vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi

KËSHILLI I PAVARUR MBIQYRËS PËR SHËRBIMIN CIVIL TË KOSOVËS
Lënda me numër A.nr.17/2022

Zyle Millaku GOJNOVCI

Procesmbajtëse



Vendimi i dërgohet:

- Ankuesit
- Drejtorit të Përgjithshëm të Policisë së Kosovës;
- Udhëheqësit të Personelit në Policinë e Kosovës;
- Arkivit të KPMSHCK-së

